

## **Promjene u oblasti prava na naseljavanje i boravišnog prava (Niederlassungs- und Aufenthaltsrecht) zbog CORONA-krize**

8. april 2020. godine

**Podnijeli ste u MA 35 zahtjev za produženje boravišnog naslova (Verlängerungsantrag) prije uvođenja mjera zbog CORONA-krize i sada čekate odgovor?**

Služba za doseljenike (MA 35) kao nadležni organ ne radi sa strankama. Klijenti se kontaktiraju mail-om ili pismom. Na taj način dobijaju obavještenje o stanju svog predmeta i upozorenje da po potrebi dostave dodatne informacije ili papire.

Podnosilac zahtjeva se mora - isto kao i prije Corona-krize - pridržavati svih rokova i ispunjavati sve preduvjete (npr. dovoljno visok prihod itd.).

Ukoliko je sve u redu i moguće je dodijeliti boravišni naslov, kartica se do daljnjeg šalje poštom, odnosno RSA-pismom.

**Uskoro Vam ističe trajanje prava boravka i morate podnijeti zahtjev za produženje boravišnog naslova?**

Zahtjev za produženje nije moguće podnijeti lično, jer zbog uvođenja mjera u vezi sa Corona-krizom Služba za doseljenike (MA 35) NE RADI SA STRANKAMA.

Vaš zahtjev za produženje u MA 35 morate poslati mail-om ili poštom.

SVI zakonski propisani rokovi se moraju poštovati.

I ukoliko boravite u inostranstvu i ne možete ili ne smijete da se vratite, zahtjev u MA 35 morate poslati na vrijeme mail-om ili poštom

Na stranici Ministarstva unutrašnjih poslova naći ćete formulare za zahtjeve koje ispunjene i potpisane šaljete u MA 35.

<https://www.bmi.gv.at/302/start.aspx>

**Uskoro trebate produžiti svoj boravišni naslov? Morate zbog toga dokazati da ste položili propisani integracioni ispit, na primjer A2, a termin za ispit je otkazan? Ne znate kada ćete ponovo moći da izađete na ispit? Šta morate uraditi?**

Zahtjev za produženje u MA 35 obavezno morate poslati mail-om ili poštom prije isticanja važenja prethodnog boravišnog naslova.

Uz to morate podnijeti i zahtjev za produženje roka za polaganje ispita, tj. ispunjavanje obaveze iz Integracionog sporazuma. (*Antrag auf Verlängerung der Frist für die Erfüllung der Integrationsvereinbarung*). I to morate učiniti PRIJE isticanja roka za ispunjavanje navedene obaveze.

**Vi izuzetno smijete podnijeti zahtjev za prvi boravišni naslov u Austriji, jer ste na primjer član porodice državljanina/državljanke Austrije, neke od zemalja EPP (EU plus Island, Lihtenštajn, Norveška) ili Švicarske.**

Zahtjev nije moguće podnijeti lično, jer zbog uvođenja mjera u vezi s Corona-krizom Služba za doseljenike (MA 35) NE RADI SA STRANKAMA.

Zahtjev u MA 35 morate poslati mailom-om ili poštom.

Ako ste zahtjev već podnijeli, a u međuvremenu vam je istekla viza za jednokratni boravak ili dozvoljeno vrijeme boravka bez vize u Austriji, mail-om ili poštom u MA 35 morate da pošaljete i dodatni zahtjev (*Zusatzantrag*). Ovaj tekst možete samo prepisati na poseban list papira i potpisati, jer formular nije potreban.

*Zusatzantrag*

*„Ich beantrage, dass mir Erteilung des Aufenthaltstitels in Österreich bewilligt wird, da mir aufgrund der derzeitigen COVID-19 Pandemie die fristgerechte Ausreise aus dem Bundesgebiet nicht möglich und nicht zumutbar ist.“*

(Molim Vas da mi odobrite izdavanje boravišnog naslova u Austriji, pošto mi je zbog trenutne pandemije COVID-19 nemoguće ili neprihvatljivo napuštanje teritorije zemlje u dozvoljenom roku.)

Morate navesti tačne razloge zbog kojih prije isticanja važenja vize ili dopuštenog vremena boravka bez vize niste uspjeli napustiti Austriju! Nadležni organ će u svakom pojedinačnom slučaju na osnovu individualne situacije podnosioca odlučivati da li Vam je moguće dodijeliti boravišni naslov.

## Kontakti i linkovi

### **Grad Beč – Služba za doseljenike i državljanstvo - MA 35**

<https://www.wien.gv.at/kontakte/ma35/index.html>

**Odjeljenje za pitanja doseljavanja i boravka – MA 35/nadležnost po becirkovima**

<https://www.wien.gv.at/advuew/internet/AdvPrSrv.asp?Layout=stelle&Type=K&stellecd=2014121011582596&STELLE=Y>

**e-mail adresa i telefon:**

[anliegen@ma35.wien.gv.at](mailto:anliegen@ma35.wien.gv.at)

01 4000 35021

### **Informacije Saveznog ministarstva unutrašnjih poslova na temu naseljavanje i boravak u vrijeme CORONE (njemački)**

<https://www.bmi.gv.at/302/start.aspx>

FAQ/Najčešće postavljana pitanja u vezi sa procesom dodjeljivanja dozvola za naseljavanje u vrijeme pandemije COVID-19

### **Informacije Saveznog ministarstva za Evropu, integraciju i vanjske poslove (njemački)**

○ turističkom boravku odnosno boravku u posjeti u Austriji, ako vam je onemogućeno pravovremeno napuštanje zemlje

<https://www.bmeia.gv.at/reise-aufenthalt/einreise-und-aufenthalt-in-oesterreich/einreise-und-aufenthalt/>



[Impressum](#)